

Bilbon, 1997ko urtarrilaren 31n

J. Haritschelhar
E. Knörr
P. Goenaga
J. A. Arana
P. Altuna
M. Azkarate
P. Charritton
J. L. Davant
X. Kintana
F. Krutwig
E. Larre
J. M. Lekuona
B. Oihartzabal
Tx. Peillen
J. San Martin
eta L. Villasante euskaltzainak
eta X. Aranburu
A. Arejita
G. Aurrekoetxea
R. Badiola
L. Baraiazarra
S. Garcia Trujillo
J. L. Goikoetxea
M. Gorrotxategi
A. Iñigo
X. Kaltzakorta
J. L. Lizundia
A. Muniategi
J. Oleaga
K. Rotaetxe
M. Ruiz Urrestarazu
eta P. Uribarren
euskaltzain urgazleak.

Bilbon, Euskaltzaindiaren Egoitzako Hitzaldi Aretoan, 1997ko urtarrilaren 31n, arratsaldeko lauretan eman zaio hasiera Euskaltzaindiaren batzar irekiari. Euskaltzainburuaren agurraren ondoren, idazkariak goizeko bileraren berri eman du labur-labur. Gero euskaltzainburuak hitza eman dio X. Kintanari, Alfonso Irigoien euskaltzain zenaren hilberri txostena irakur dezan. Txosten hau Federiko Krutwig jaunarekin batera taxutu du.

Hitzaldian zehar Alfonso Irigoienen bizitzaren eta lanaren zertzeladak aletzen joan dira: sorrera, familia, haren zaletasunak (pintura eta euskultura), euskal arloan egindako lanak etab.

Bigarren hitzaldia Jose Antonio Aranaren eskutik etorri da. Arana jaunak, Azkuek sortutako *Euskalzale* aldizkariaren mendeurrenean, agerkari horrek izan zituen gorabeherak oroitarazi nahi izan ditu, hitzaldi interesgarri eta atseginean.

Azkenik, euskaltzainburuak hitz batzuk egin ditu eta entzuleak, aretoan antolatutako erakusketa ikustera gonbidatu. Hain zuzen, *Euskalzale* aldizkariaren mendeurrena dela eta, joan den mendeko euskal aldizkariaren erakusketa paratu du Euskaltzaindiak aretoan bertan.

Batzarra arratsaldeko bostak inguruan amaitu da.